

Զի եթէ անմարթ իցէ առնուլ հրովարտակ՝ հայեցեալ 'ի սարագայս ժամանակին, տացեն արձանագրել 'ի դիւանին զիլամն և զՀէօճճէթն, զի մի տացեն հրովարտակ հակառակ Հայոց . քանզի Լատինք 'ի դատին ոչ հանին յերեւան զդաշնագիրն, յոր գրեալ է 'ի տարւոջ միանգամ պատարագել նոցա 'ի ներքոյ դմբեթին : Զայսոսիկ յոյզս և զխռովութիւնս թէեւ անցուցին Հայք առ ժամն՝ այլ ծանր եղեւ՝ եւ առաջի կայր նոցա այլ իմն մեծ աղմուկ և փոթորիկ 'ի կողմանէ Յունաց, ոչ միայն վասն Ս . Յարութեան և Մննդեան, այլ եւ վասն Համբարձման, զի շնչէին տալ քակել զսենեակսն, զորմէ տեսցուք յետոյ : Իրբեւ տեսին Լատինք թէ ոչ կարացին վճարել ինչ հրովարտակաւն, զիմեցին առ Փոխարքայն Եգիպտոսի, եւ խնդրեցին 'ի նմանէ կարգել պաշտօնեայս 'ի քննութիւն խնդրոց որ 'ի մէջ Հայոց և Լատինաց : Եւ նա գրեաց առ կուսակալն Գամասկոսի՝ առաքել զոք յերուսաղէմ . եւ 'ի գալստեան նորա կազմեցաւ ժողով 'ի դատարանի և արձանագրեցան բանք յերկուց կողմանց, զոր թարգմանեալ համառօտելով զիցուք աստանօր :

Նիստ Առաջին, 'ի ԿԿ Ռիպիլ ակսքր ամսոյ, 1707 :

Փոխանորդն և վարդապետք Հայոց յանդիման եղեն Դատաւորաց եւ խնդրեցին 'ի նոցանէ ծանուցանել ինքեանց թէ՛ քանի են խնդիրք Լատինաց, տալ զպատճէնս հրամանագրոյն Գաւառապետին և պաշտօնական բողոքագրոյն, տեղեկանալ իմաստից նոցին և 'ի միտ առնուլ ըզխնդիրս, և ըստ այնմ պատրաստել զվաւերական գրեանս և զպատասխանիս արձանագրել ըստ իւրաքանչիւր կարգի : Դատաւորք ասեն, խնդիրք Լատինաց են այսոքիկ, Գերեզմանն Քրիստոսի և դահլիճն առաջի նորա, մեծ եւ փոքր կապարապատ դմբեթն, Պատանատեղին Քրիստոսի, գերեզմանն Ս . Աստուածածնի ընդ եկեղեցւոյն . Այրն Մննդեան Քրիստոսի և Մսուրն՝ և բանալիք երկց դրանց և մեծ եկեղեցին . Ժակեալ դուռն Լատինաց . շինութիւնք Համբարձման տեղոյն 'ի լեառն Զիթենեաց՝ այլովքն հանդերձ, եթէ ունիք վասն սոցին հրովարտակս, Հէօճճէթս